

~~27~~
126 CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B.



玉海卷第一百六十

浚儀王應麟伯厚甫

宮室

殿下

唐麟德殿

舊紀高宗上元元年九月辛亥百僚具新服上宴於

麟德殿

殿在大明宮拾翠殿西

德宗正元四年三月甲寅宴群臣

於麟德殿設九部樂內出舞馬上賦詩一章羣臣屬

和寧王憲傳明皇天性順睦雖讒說亂其間而卒

無以搖時有鵲鴿千數集麟德殿廷木翔棲浹日左

萬曆十六年

三才卷一百六十一

監生翟春和



清道率府長史魏光乘作頌以為天子友悌之祥帝喜亦為作頌寧王尤謹畏未嘗干政而與人交帝益信重以書賜憲等曰魏文帝詩西山一何高高高殊無極上有兩仙童不飲亦不食賜我一丸藥光曜有五色服之四五日身體生羽翼朕每言服藥而求羽翼寧如兄弟天生之羽翼乎陳思王之材足以經國文帝絕其朝謁卒使憂死魏祚未終司馬氏奪之豈神圓效邪虞舜捨象傲以親九族朕所歎慕也頃因餘暇錄得神方云餌之必壽此藥願與兄弟共之偕至長於無極也

會要正元三年三月造會慶亭於

麟德殿前十年九月南詔使朝見於麟德殿上所錫賚甚厚十二年二月巳卯以寒食節御麟德殿內宴

於宰臣位後施漢名臣圖屏風仍題其嘉言美行于

下又永隆二年太子初立宴麟德殿長安元年日本使宴是殿正元中東蠻三王入朝宴是殿詳見

燕享類四月庚午上降誕日會沙門道士兼儒官討論

三教於麟德殿十四年二月戊午上自制中和樂舞

百僚於麟德殿觀新樂十六年正月南詔進奉聖樂

舞御麟德殿以閱之元和十年閱新作指南車記里

鼓車於麟德殿十三年二月詔六軍使創修麟德殿

之右廊上御麟德殿對翰林學士張仲素段文昌沈

傳師杜元穎文宗開成三年十一月庚午於麟德殿開

成四年正月御麟德殿對人朝賀正南詔三十七人

賜錦綵金銀帶衣服 穆宗紀長慶元年二月乙亥

觀樂于麟德殿癸卯擊鞠于麟德殿 列傳韋渠牟

正元十二年四月德宗誕日召徐岱渠牟及佛老二

師並對麟德殿質問大趣渠牟有口辯雖於三家未

究解然問荅鋒生帝聽之意動徐岱傳召岱及趙需

張茂昭自義武來朝正元二十年十月從容言河朔事召

見麟德殿賜良馬甲第器幣 回紇德宗時請和親

詔使者見咸安公主於麟德殿 趙昌對麟德殿

杜悰召見麟德殿 李光顏平蔡召對麟德殿賜予

蕃渥 田弘正元和十四年八月來朝對麟德殿眷

勞殊等引見僚佐將校二百餘人皆有班賜 王智

輿文宗時入朝燕麟德殿 實錄永正元年六月景

申皇太子見四方使於麟德殿西亭元和二年二月

丁丑以寒食御麟德殿宴宰臣杜佑等七年正月癸

酉御麟德殿宴南詔渤海特柯等使乙酉宴涇原節

度使朱忠亮丁亥御麟德殿宴南詔使九年二月巳

丑御麟德殿召見渤海使宴賜十三年正月御麟德

殿對韓公武賜銀器繒錦及馬二月辛酉御麟德殿

萬曆十六年

三

三

監生翟春和

宴回鶻南詔使乙亥御麟德殿宴羣臣大合樂賜錦綵銀器九月癸巳御麟德殿對吐蕃使十四年正月癸未宴回鶻使三月乙酉以齊魯初平宴百僚于麟德殿宰臣裴度等舉觴獻壽七月甲申麟德殿宴宣武節度韓弘八月丁卯麟德殿宴魏博田弘正九月己亥麟德殿宴親王穆宗元和十五年二月庚寅對新羅渤海朝貢使于麟德殿宴賜九月辛酉御麟德殿宴李光顏勳賜錦綵銀瓶盤衣馬戊辰對吐蕃使于麟德殿宴賜長慶元年二月辛卯寒食御麟德殿賜百僚宴二年正月壬子宴渤海使八月壬午宴吐

蕃使十月壬子宴回紇使大和元年五月戊辰宴諸道端午使六年二月己丑寒食宴羣臣七年三月庚戌宴回鶻開成二年正月癸巳宴南詔渤海使並於麟德殿

兩京記金鑾西南曰長安殿長安北曰仙

居殿仙居西北口麟德殿此殿三面故以三殿名東南西南有閣東西有樓內宴多於此大福殿在三殿北拾翠殿在大福殿東南案此麟德殿在拾翠西大福南仙居西北又名三殿

○音訓在右
銀臺門北

漢有麒麟殿後周有麟趾殿招集學士孝校圖籍

唐三殿

見上 三殿者麟德殿也。一殿而有三面，故名亦曰三院。結隣爵儀樓，即三殿之東西廊也。兩京新記：西有麟德殿，三面。元宗與諸王近內臣宴多於此殿。開元元年十二月丁酉，

以吐蕃遣大臣求和，命有司引吐蕃使宴于三殿。乾

元二年十二月戊申，宴蕃胡拓翔。代宗寶應元年七

月辛丑，宴大軍將。八月己酉，宴奚契丹來朝。大曆二

年八月癸未，宴李抱玉、杜鴻漸、劉晏、衛伯玉。三年五

月戊午，宴劔南陳鄭神策將士二千五百人。六年十

一月，宴文單國王婆彌等二十五人。十年八月乙亥

宴宰臣至京兆尹。十三年正月甲戌，宴宰臣以下。二

月庚辰，宴侍臣五品以上。十四年二月壬辰，燕百僚。

癸巳，宴至德已來勳臣子弟及藩邸舊臣子弟。元和

八年五月戊午，宴回鶻使寶曆元年三月壬子，宴百

祭。二年二月丁巳，宴百官。並於三殿。肅宗於三殿

觀樂。憲宗嘗閱月不賜對。李絳謂大臣持祿有詔

明日對三殿。元和十三年鳳翔節度李惟簡、忠武

節度司空光顏、邠寧尚書釗來朝，上為之燕三殿。張

百戲，公卿侍臣咸與。韓文開成一年春於三殿對

學士。獻替記。五年十二月會昌二年正月於三殿對

南詔。會要。咸通三年奉鄭太后宴于三殿。命翰林

學士侍立結綺樓下傳 杜審言有蓬萊三殿侍宴
詩 李廣西都賦落九重開三殿齒羣官於次坐召
公族於內宴

唐集賢殿 集仙殿

張說傳帝召說與禮官學士置酒集仙殿開元十四年四月丙辰
辰曰朕今與賢者樂於此當遂為集賢殿乃下制改
麗正書院為集賢殿書院 會要開元十三年四月
五日因奏封禪儀注敕中書門下禮官學士等賜宴
集仙殿上曰今與卿等賢才同宴於此宜改集仙殿
為集賢殿麗正書院為集賢院乃下詔曰云云唐書

紀開元十三年四月丁巳云云司 上改院內五品口

上為學士六品已下為直學士百官志永泰時勳

臣罷節制無職事皆待制于集賢門凡十三人

臣之輩傳時太后處迎仙宮之集仙殿

唐壽聖殿

見壽聖壇

唐拾翠殿

六典拾翠殿在大明宮 杜甫詩賦詩拾翠殿佐酒
望雲亭

唐大同殿

六典大同殿在興慶宮金明門之北舊紀天寶七
載三月乙酉大同殿柱生玉芝有神光照殿八載六
月大同殿又產玉芝一莖五行志天寶十載六月
乙亥大同殿前鐘自鳴會要天和三年十月修南
內大同殿及勤政樓明光樓

唐長生殿

樂志元宗幸驪山楊妃生日命張果長生殿因奏新
曲今日要華清宮天寶元年十月辛丑造長生殿名
為尊仙臺以祀神張廷珪傳武后召見長生殿
東

唐蓬萊殿

六典大明宮有蓬萊殿兩京記蓬萊殿在紫宸殿
北列傳李泌在蓬萊書院段秀實大曆十三年
來朝對蓬萊殿代宗問所以安邊者畫地以對許
康佐文宗觀書蓬萊殿問康佐李訓春秋之義敬
宗寶曆元年八月己丑蓬萊殿會沙門道士

唐玉宸殿

見玉宸宮調

唐延英殿

六典大明宮宣政殿之左曰東上閣右曰西上閣次

西曰延英門其內之左曰延英殿右曰含象殿 按

延英實在東內正觀八年置永安宮明年曰大明宮龍

朔二年始大興葺曰蓬萊宮四月辛巳宮成獨是殿

經始史缺歲月會要上元二年七月甲辰延英殿御

坐梁上生王芝一莖三花上親製玉按五行志係肅

宗之上元韋述兩京記成於開元十年不書是殿至

三十六年六典書成歷歷維見然則創於開元中歟

兩京記不載而六典揚場傳元宗召對宰相議天下

戶版延英殿惟場戶部郎言利病尤詳在封泰山前

按六典會要延英在西上閣之西而李庾賦乃曰左

閣當辰誤矣李庾西都賦東則左閣當辰延英耽耽

陽是為二宮會要穆宗元和十五年二月庚辰詔於

西上閣門西廊右畔一作西開便門以通宰臣自閣

中赴延英路示優禮也則不在紫宸殿東矣六典所記為

可信 初有大明即有是殿召對大臣則始於代宗

苗晉卿傳代宗立初即位十年年老乞間日入政事堂

帝優之為御小延英召對宰相對小延英自晉卿始

代宗寶應元年九月壬午御延英殿會羣臣議政事

自辰至午乃罷丙戌自辰至巳宰相晉卿對延英羣臣初無許

也肅宗以苗晉卿年宰相晉卿對延英羣臣初無許

預之例韓臯為中丞有所陳必於紫宸上謂曰與卿

言不盡可來延英與卿從容則是特許其對也正元
元年十二月詔延英視事日令常參官七人對政得
失七年詔每御延英諸司官長奏本司事則百官許
對延英矣薛珪傳德宗疑下情不達因詔延英坐日
許百司長官二員言缺失謂之巡對十八
年詔有陳奏日延英門請對勿令正衙奏事舊紀
正元七年十月癸丑詔每御延英令諸司官長二人
奏本司事尋又敕常參官每一日二人引見訪以政
事謂之巡對會要云訪以政事又引見常參官二
人訪政道謂之次對官十八年七月敕比來百官奏
事每於正衙至於移時自今以後不須於正衙奏事
如安陳奏事者並憲宗時元稹為拾遺乞於延英訪
於延英進狀請對問舊紀元和元年四月壬戌武元衡請尚書省六品
已上職事官東宮師傅賓詹王傅等每坐日令兩人

殿

待退朝於延英候對從之二人新紀云四年御史臺奏

延英開日羣臣不得前知遇坐時方進狀請對是開
延英

無定文宗開成二年八月丙午望日御延英對刑法

官又諫議馮定請許左右史從宰相至延英記所言

故事兩省轉對延英獨常侍不與鄭畋為右散騎建

言宜備顧問詔可遂著于令則羣臣亦得對矣大曆

三年十月庚辰御延英殿見畿縣令正元四年十月

上召京兆諸縣令對延英訪以人之疾苦且慰勉之

各賜衣一襲六年九月文宗開成元年中書門下奏舊

例刺史授官遇延英開日候對奏發日蓋重理民之

萬曆十六年 監生翟春和

官欲觀去就近日刺史進狀便辭自今刺史遇開延

英即入陛辭二年楚州刺史蕭俶延英候辭則是外官亦得見辭也

入朝而對者郭子儀大曆九年入朝對延英代宗

與語吐蕃方疆慷慨流涕張建封正元十三年十

月丁丑以泗濠節度來朝帝不待日一云雙日召見延

英眷遇異等時宮市為民患因問言之頗順聽還鎮

帝賦詩以餞張茂昭元和二年一云五年冬自義武入

朝至京師十二月不待日雙日開延英對五刻罷故

雙日不坐裴度王師討蔡度視行營諸軍詔毋須宣政

衙即對延英度自請督戰拜同平章事長慶二年四

月由太原入朝帝曰朕當延英待卿帝以度勲德故

待以殊禮李吉甫元和六年召自淮南秉政入對

延英凡五刻罷

論政事李景略對德宗論奏術術有大臣風許

孟容為給事中正元十八年三月特開延英門召對

樊澤召對延英德宗歎其論兵與我意合崔琪

為嶺南節度入對延英文宗訪問琪對有理趣鄭

覃元和十五年十月穆宗詔閣中殊不款款後有為

我言者見卿延英張仲友敬宗詔王播遣競渡舟

三十艘仲友見延英論爭韋奧為京兆大中十年

萬曆十六年

於延英問

別賢佞。陽城詰延英門論裴延齡伏閣不去救陸

贄約拾遺王仲舒守延英殿閣上疏。崔元亮鄭注

陷宋申錫元亮諫官叩延英苦諍。獨孤郁元和

四年十月戊子。延英對度支使李鄘京兆尹許孟

容中丞李夷簡諫議孟簡給事中呂元膺穆質右補

闕獨孤郁等皆言承瓘不可統師郁言尤激切。實錄

王質與諫官伏閣文宗開延英召見李景遜寶曆

初命王播

承恩獎。李晟馬燧正元五年九月見延英殿德宗

嘉其勲下詔圖凌煙閣九年十月燧對延英殿。蘇

弁德宗召見延英賜金紫。蔣乂正元九年擢史館

修撰德宗重其職先召見延英乃命之。崔苒正元

十六年五月召山人崔苒對延英。穆贇德宗對延

英擢中丞。韋渠牟延英奏事雖大臣率漏下二三

刻止及渠牟為諫議大夫每奏事五六刻乃罷。德宗

武元衡中丞對延英德宗目送之曰真宰相器

李景儉澧州刺史延英奉辭穆宗詔為郎。牛元翼

長慶中見延英。薛存慶劉總以幽州歸穆宗謂宰

相曰必用存慶可以宣朕意對延英一刻遣之。

對宰臣 自中葉以後雙日及非時大臣奏事別開
 延英 楊綰對延英給扶 元和六年嘗
 盛夏對延英帝汗浹衣絳欲趨出帝曰宮中所對唯
 宦官女子欲與卿講天下事乃甚樂也穆宗數遊畋
 絳扣延英切諫 裴垕元和三年既相垕因奏引太
 宗躬勤聽覽以諷上嘉納之延英議政率漏下五六
 刻 李吉甫元和七年十一月己未御延英謂吉甫曰
 畋遊悉廢唯務讀書 本德裕與三宰相見延英而
 武宗赦嗣復珏 韋處百太和元年四月丙辰宰臣
 於延英既出再召處厚 四對一刻極論不能堅決之

失請遜位 牛僧孺太和六年延英召見宰相曰公
 等有意太平乎何道以致之僧孺曰太平亦無象
 楊嗣復建言延英殿對宰相乞錄付史館 若崔損
 延英進見不敢出一言竇參每對延英它相罷必留
 令狐綯奏事延英汗沾衣
 見御史 李直方正元十一年二月召見延英殿
 宴羣臣 代宗寶應元年八月丁巳宴宰臣已下九
 月戊寅宴郭子儀等 丙申宴 永泰元年正月辛亥宴
 宰臣大曆八年十一月戊午宴宰臣子儀等開成元
 年十月慶成節宴

會諸將 代宗寶應元年十月雍王東討帝御延英

殿大會南北軍諸將問以東征之事

諫官叩延英 穆宗時言不可罷裴度兵 見上

不御正殿則視朝廷英 正元元年七月蝗八月甲

子詔不御正殿奏事悉於延英丙寅視朝廷英羣臣

列位延英門外

次對 元和元年四月詔日令兩人待制退朝詣延

英候對二年二月己巳停次對

元和七年四月壬子開延英對宰臣八年六月辛巳

朔以積雨延英門不開者十五日帝謂宰臣每至三

日雨亦對十年三月壬申朔御延英殿召對宰臣特

以事召也十四年八月己未上謂宰臣曰今天下雖

漸平尤須勤於政理若通休暇頻不坐有事即詣延

英請對勿拘常制十月下元假召宰臣對於延英議

邊事也 會要 憲宗初讀實錄見正觀開元故事竦慕

不能釋卷自是延英議政晝漏率下五六刻方退 舊

史贊 文宗即位銳意於治每延英對宰臣率漏下十

一刻唐制天子隻日視朝乃命輟朝放朝皆用雙日

本紀贊 大開成四年召宰相見延英退坐思政殿

仇士良傳 文宗坐延英論詩工否 僖宗易延英名

靈芝 後復舊

一云延英殿在大明宮東上元以來置宰相欲論事天子欲咨度皆非時召對旁無侍衛人得盡言相對有思政殿元和中建通典唐自上元以來置延英在上閣之東故李庾賦云東則左閣當辰延英耽耽唐六典云在上閣之西誤也 長安志曰在紫宸殿東愚謂六典會要可信豈不愈於李庾 洛陽亦有延英殿 天祐元年詔每月一五九開延英

唐交泰殿

會要天寶十載四月二十一日興慶宮造交泰殿成

三

月浚龍首地起承暉殿

通 文宗即位召學士歸文曰異辭放丁公著對于思

政殿 一夕乃出文宗開成四年坐思政殿召學士周

墀 會要長慶四年十二月高重崔郾高鉞於思政

殿中謝郾奏曰臣職侍講未嘗召問經義上賜錦綵

銀器 憲宗冊文曰編書辨謗創殿思政則是殿憲

宗所作 延英相對有思 元稹云思政對學士往

洛陽太極殿又名思政 後梁改思

政殿為金鑿殿

唐寶慶殿

會要穆宗元和十五年七月甲寅新作永安殿及寶

慶殿大張樂九月戊申御宣和殿宴貴戚

唐積慶殿

蕭后傳武宗時徙居積慶殿號積慶太后開成五年十月徙居

興慶宮在

唐雍和殿

會要大中元年七月敕親親樓號雍和殿別造屋宇

通監大中元年六月上崇睦况榮作

雍和殿於十六宅數臨幸置酒作樂

唐靈臺殿

高駢傳咸通中帝將復安南拜都護召還京師見靈

臺殿

梁金鑿殿 文明殿 朝元殿

梁開平二年正月改思政殿為金鑿正觀殿為文明

含元殿為朝元西京洛陽乾化元年置金鑿殿大學

士以敬翔為之本朝太平興國三年改金鑿殿

名

後唐端明殿

端明殿 西京 同光二年正月丁未改天成元年五月
以馮道趙鳳爲學士 太平興國三年改爲武德殿
在延春殿北

唐趙鳳爲相奏事中興殿 晉天福二年五月以汴
州行闕爲大寧宮 劉昫以端明殿學士拜相入謝
端明殿時以爲榮

建隆講武殿

即崇政殿也 建隆元年七月戊午宴韓令坤等於
講武殿乾德三年九月己巳御殿閱諸道兵四年四
月宴近臣八月乙卯錄囚開寶五年閏二月壬辰召

進士安守亮等對于是殿始下詔放榜新制也六年
三月庚午時九覆試進士宋準等于是殿八年二月

戊辰試進士王嗣宗等于是殿三月二十九日召契

丹使觀射于此十月己亥朔召瀘州守臣見于此興

國二年正月戊辰三年九月甲申五年閏三月甲寅

八年三月丙子皆試進士于此雍熙二年三月始試

進士于崇政殿 乾德鑿池習戰太宗築臺大閱皆

名講武 西京亦有此殿景德四年二月己巳次西

京壬申宴從臣於講武殿 燕朝穆清神心經緯四

征九伐或入睿筭上延良平借箸運籌之謀下程賁

育扛鼎揭旗之技沈幾於樽俎之間收功於疆場之表

後魏有經武殿後周有正武殿唐有戟武殿

建隆萬春殿

建隆元年九月辛丑宴近臣於萬春殿後九日又宴

廣德殿皆曲宴也二年閏三月丙戌宴令坤延釗於

廣德殿節度使赴鎮錫宴自此始

乾德乾元殿

崇元殿

朝元殿

天安

景祐大慶殿

梁曰崇元隆元年八月朔入西門二年正月五月朔受

殿

朝於乾德四年四月庚戌重修十一云二月脩改乾元太

平興國九年五月殿災改朝元一本云雍熙元年七月

熙元年也即雍熙元年也大中祥符八年四月殿災六月巳酉實錄

甲子改天安景祐元年正月一本作明道二年改大慶殿

九間挾各五間東西廊各六十間有龍墀沙墀正至

朝會冊尊號御此殿饗明堂恭謝天地即此殿行禮

郊祀齋宿殿之後閣蓋正殿也淳化中張洎奏即唐

在唐為大朝冬正設仗衛朝萬國在此太祖克澤

功震耀九年受朝乾元降王在列聲明威備扈蒙上聖功頌序述其事

受冊 乾德元年十一月十六日崇元受冊開寶元

萬曆

監生胡日東刊

年十一月二十四日興國三年十一月十五日六年十一月十七日並乾元受冊淳化元年正月一日乾元受朝賀受冊咸平二年十一月七日祥符元年十二月四日朝元受冊天禧元年正月十一日恭謝禮畢三年十一月十九日天聖二年十一月明道二年二月並天安受冊景祐二年十一月大慶受冊寶元元年十一月同

受朝 興國二年十一月庚寅冬至三年五月朔淳化三年正月朔皆於朝元

冊皇太子 至道元年九月丁卯於朝元設黃麾大

殿

仗及宮垂樂于庭天禧天安乾道大慶

明道元年十一月甲戌恭謝天地于天安殿志正陽門內正

殿曰天安改元皇祐二年以大慶殿為明堂御篆二字行

禮揭之嘉祐元年九月辛卯恭謝大慶

開寶滋福殿

舊曰明德滋德在垂拱殿西開寶四年三月丙申改

滋福咸平三年明德太后居之號萬安宮萬安殿祥

符七年復為殿明道元年十月甲辰改皇儀 至道

三年九月揚允恭以邊郡地圖來上御滋福殿召輔

臣以圖示之祥符二年十二月劉承珪上天書儀仗

圖列于滋福殿。天禧元年七月甲寅，對王旦、滋福殿。十一月，龍圖閣編成御集百二十卷，召輔臣對于滋福殿示之。

太平興國西京太極殿 垂拱殿 明德

殿 武德殿 開寶廣壽殿大宴

西京大內正殿。隋曰乾陽，唐曰乾元明堂，後改含元。梁曰朝元，後唐曰明堂，晉曰宣德，後復為明堂。太平興國三年甲申，改太極殿，又改太極後殿為天興殿。通天乾元門為太極門，車輅院門為鑾和門，絳霄樓為太清樓，垂拱殿唐曰延英。太平興國三年改，又

宮殿

改廣壽第二殿曰明德，第三殿曰天和，第四殿曰崇徽，改寢殿曰太清，第二殿曰思政，第三殿曰延春，改端明殿為武德殿，改金鑾第二殿曰壽昌，第三殿曰玉華，第四殿曰長壽，第五殿曰甘露，第六殿曰乾陽，第七殿曰嘉興。

開寶九年四月六日，西京南郊禮成大宴，廣壽殿建在禮門之西。

唐曰嘉慶 景德四年二月己巳，次西京，壬申，宴從

臣于講武殿唐曰文思。戊子，詔大內明堂殿前三門

改為太極殿門，祥符四年三月丁亥，召輔臣於講武

殿後，題名花，至金鑾殿召坐，出再幸西京，記示之。

太宗神御殿曰帝華 西京宮室合九千九百九十餘區

太平興國崇政殿 景福殿

內東門之北崇政殿舊曰簡賢講武興國八年四月

乙卯改長編乾德二年九月改殿東西邇英延義二

閣閣後隆儒殿崇政殿有柱廊次北景福殿試貢舉

人考官設次于兩廡雍熙二年後試制科皆於崇政殿四大

中祥符七年始建額即閱事之所也實錄云祥符七年

名後殿曰崇政殿名已久而未嘗題榜至是建額

對羣臣 咸平元年二月丙辰對戶部尚書張齊賢

殿

德元年交趾郡王黎亘遣其子明提來貢對于崇政殿大中祥符二年三月于闐國王遣使貢良玉見於崇政殿四年召近臣館閣官於崇政殿觀占城貢師子九年大食蕃客人貢引對崇政殿天禧元年十一月高麗遣使與女真首領來貢對于崇政殿熙寧八年三月對大遼使于崇政殿

錄四 端拱二年五月以旱御崇政殿錄囚淳化三年六月御崇政殿錄囚七月又錄囚五年正月四月又錄囚至道元年二月四月又錄囚咸平元年二月乙未四年二月六年十一月景德三年四月大中祥

符元年二年三年四年七年天禧元年五年乾興元年並御崇政殿錄囚天聖元年二年七年明道二年景祐三年四年康定二年皇祐元年三月丁巳五年嘉祐二年八月庚申六年二月丙寅七年並於崇政殿錄囚治平元年四月熙寧九年並於崇政殿錄囚觀樂景德三年八月甲戌作新樂于崇政殿景祐二年觀新樂于崇政殿皇祐二年九月丁亥閱雅樂于崇政殿五年九月觀新樂於崇政殿觀陣圖咸平四年六月二十九日戊辰對輔臣於崇政殿觀陣圖時備北虜景德元年八月乙卯於崇

官殿

政殿觀陣圖慶曆元年六月試楊偕所陳龍虎八陣圖于崇政殿四年五月壬戌朔帝以西方用兵無功選用大臣講求利害御崇政殿召樞密副使韓琦參知政事范仲淹對琦等上四策熙寧三年五月詔以涇原路衙教陣隊於崇政殿引見乞頒行諸路依此教閱先是涇原路經略使蔡挺於牙中建勤武堂肄諸將軍馬上以其點閱周悉常有出戰之備比他法為詳故令行之

試進士太宗六真宗十二祥符七年景福殿仁宗

十二天聖三年崇政殿召對宋並試崇政殿熙寧

萬曆十三年等嘉祐八年不御殿

監生翟春和

以後並集英殿試

試制科 真宗四 仁宗十 英宗一 神宗一 並試崇政

殿 元祐三年試於集英殿

咸平元年二月巳亥召崔頤正講尚書于景福殿

正月講于廣福殿 志宮後有崇政殿閱事之所也

太平興國文德殿

文明殿

後唐曰端明國初改文明太平興國九年五月丁丑

殿災七月壬子改今名即正衙殿一本云乾德三年

熙元年七月改為文德殿 志右 太祖時元朔亦御

此殿其後常陳入閣儀如大慶殿饗明堂恭謝天地

即齋於殿之後閣熙寧以後月朔視朝御此殿殿庭

東南隅有鼓樓其下漏室西南隅鍾鼓殿兩挾有東

上西上閣門東西兩廊門曰左右嘉福南門曰長慶

北門曰嘉肅 東西門曰左右勤政 淳化中張洎奏今

之文德殿即唐之宣政在周為中朝在漢為前殿在

唐為正衙凡朔望起居大冊拜對四夷君長試制舉

人皆在此 明道元年八月高麗使金悌等見于文德殿 熙寧

乾德三年冬至四年正旦皆受朝賀于文明殿天

聖二年十一月文德殿上皇太后尊號治平二年熙

寧二年元祐二年崇寧二年發皇太后冊寶於文德

殿發中宮冊寶亦於文德殿

熙寧三年宋敏求言

本朝惟入閣乃御文德殿視朝

乾德四年文明殿入閣淳化二年文德殿

入閣三年咸平二年祥符三年皆御文德殿入閣今既

不用入閣儀欲約唐制宣政殿定朔望御文德殿儀

以備正衙視朝之制詔定儀注元豐四年五月十九

日御文德殿視朝太平興國五年正月庚寅改端

明殿學士為文明殿學士以程羽為之自李昉後不

復除以殿命官緣麟趾之舊文明學士位樞副之下明道二年

且端明殿學士與文明之職並存而班差降

南史梁文德殿置學士省召高才碩學待詔表峻

直文德學士省 唐有文明殿

太宗清心殿 宣明殿

太宗於禁中建清心殿藏圖籍以資游覽視朝之暇

日讀太平御覽三卷有蒼鶴飛止殿之鳴尾逮掩卷而

去翌日語侍臣宰相宋琪曰好學所感也 太宗又

創宣明射殿 真宗清心殿奉道之所

雍熙玉華殿

雍熙三年十二月一日乙未雨雪帝御玉華殿集英後

需雲殿舊召宰臣謂曰云云又出御製雪詩令侍臣

屬和 熙寧四年後苑作玉華殿七年玉華殿後作

嘉靖丁 每夫 盈生余 惠申

山亭祥鸞閣基春殿 **志**後苑東門曰宣和苑內有
崇聖殿太清樓其西又有宜聖玉宸金華西涼清心
殿翔鸞儀鳳二閣華景芳瑤津亭

咸平嘉慶殿 嘉瑞殿

咸平初明德太后居嘉慶殿後徙萬安宮 明肅皇

后所居殿曰會慶 慶壽莘德寶慈妙徽殿 並見前

真宗時以瑞蓮生龍翔池於其側立嘉瑞殿

景德資政殿 崇和殿

在龍圖閣之東序景德二年四月癸卯以叅政王欽

若為資政殿學士 特置是職以寵之位在翰林 五月

殿

庚戌欽若赴職宴近臣於秘閣賜七言詩自是令

直於秘閣十二月辛巳以欽若為資政殿大學士 在

文明殿學士之下翰林學士 咸平五年十月十七

日觀書龍圖閣幸崇和殿殿之後閣悉藏本朝名臣

文集次御資政殿殿殿有揚相如政要論帝作七言

詩侍臣皆賦景德二年五月宴近臣於資政殿餞神

放祥符三年八月八日甲寅觀書龍圖閣觀瑞物于

崇和殿遂宴資政殿帝作七言詩從臣皆賦五年十

二月十四日閱書龍圖閣幸資政殿帝作七言詩天

禧四年十一月十一日御龍圖閣詔近臣觀書宴于

資政殿

崇和殿亦在龍圖閣東序咸平四年十一月二十日
丁亥御龍圖閣曲宴移御崇和殿閱張去華所著元
元論國田圖景德二年四月二十一日幸龍圖閣閱
太宗御書宴于崇和殿帝作五言詩四年九月七日
宴近臣于龍圖閣之崇和殿餞侍講邢昺賜詩以寵
行命羣臣咸賦祥符三年觀瑞物見上十一月壬辰
召向敏中等對是殿陳從易等賦詩

景德玉宸殿 明道化武殿

景德四年三月乙巳召近臣觀書曰太清樓因至玉

宸殿殿在樓之東

殿在苑中
密邇宮禁

即上偃息之所茵幃皆

黃絹為之無文采之飾聚書八千餘卷上曰此唯正

經正史累校定者小說他書不置于此蓋附近禁中

最便觀覽國家搜訪圖書其數漸廣臣寮家有聚書

朕先借其目參校所少併令抄補所得漸多今秘閣

後即新衣庫若遷此庫以廣其地尤為佳事當喻劉

承珪增葺之大中祥符四年十月甲辰召宰臣于山

亭觀玉宸殿御製書籍記石上作詩王旦等皆賦七

年三月乙未召近臣觀太宗聖文神筆於玉宸殿作

觀書流杯詩羣臣皆賦六月晁迥等請以玉宸集五

萬曆

三母本百六

二二

監生翟春和

卷副本藏秘閣從之八年四月癸丑召輔臣觀書於玉宸殿吏部尚書王欽若陳堯叟等四人預焉始觀太宗御書移御別院觀御製皇帝王霸及良臣忠臣姦臣權臣等論遂臨軒賦詩九年二月癸卯召近臣於後苑翔鸞閣觀太宗御書及御製聖文神筆頌玉宸殿記等遂宴于玉宸殿殿在苑中密邇宮禁帝優寵輔臣每大禮慶成從容一召至兩制皆預蓋特恩也三月四日召宗室觀書于玉宸殿天禧二年十月十一日庚子召近臣於玉宸殿觀刈占城稻三年三月十三日曲宴後苑登翔鸞閣觀太宗聖製又御儀

鳳閣玉宸安福殿遂射于太清樓下作賞花釣魚詩四年七月觀內苑穀遂宴于玉宸殿十月詔皇太子宗室近臣赴玉宸殿翠芳亭觀稻賜宴明道元年十月改玉宸殿曰化成殿四方貢珍果常貯此殿景祐四年五月御化成殿觀芝草帝作詩嘉祐三年三月丙子御化成殿觀角觝

祥符泰山天貺

祥符元年七月乙酉詔泰山靈液亭北天書再降之地建殿以天貺為名先是六月丁酉六日臣欽若奏天書降于泰山十月壬子幸天貺殿十二月庚子

命學士楊億撰碑

祥符穆清殿

崇聖殿

嘉瑞殿

祥符元年十月二十六日封禪禮畢宴百官卿監以上于穆清殿又祥符元年封禪十月戊申上齋于穆清殿又寶鼎縣行宮名曰奉祗前殿亦曰穆清祥符二年正月七日癸亥對宗室輔臣于後苑便殿賜衣帶器幣遂宴于崇聖殿以封禪慶成故也崇聖殿後改為嘉瑞殿以後苑產雙蓮故也政和三年六月二十三日殿前池內復生雙蓮延福宮穆清靈顧性智二殿靈顧奉真宗聖容

祥符仙儀殿

靈輝殿

祥符元年東封十月辛丑次鄆州壬寅朱巽言玉册

玉牒十四日至翔鑾驛有光照室十一月戊午朔以

鄆州奉安天書殿為仙儀殿

王曾撰記

翔鑾驛奉安

册牒行殿為靈輝殿十二月庚子命知制誥李維撰

碑志瑞應也

天禧四年二月癸未朔名滑州福寧

院奉安御製碑殿曰乾文至和元年華州雲臺觀建

集真殿嘉祐六年十一月戊辰以汴口新修靈津廟

碑殿為崇訓殿

廟有真宗御製汴水發願碑

祥符澶州延禧殿

揚州神武殿

章武

殿

祥符元年十一月十四日壬申次澶州宴從臣父老

于駐蹕延禧殿結綵為殿于行官之南賜名焉建隆元年十一月

丁未親征李重進至揚州二年正月詔以行宮為建

隆觀祥符五年一云景德中建殿景祐四年別建殿名章

武皇祐二年五月庚寅改名神武景德二年八月癸巳命使奉安太祖聖容於揚州建隆寺寺有御榻其後建殿嚴奉景祐四年六月甲戌奉太祖神容于揚州建隆寺更命

新殿曰章武殿曰

祥符金華殿

祥符中常宴輔臣于金華殿三年閏二月二十七

口丁丑御水心殿垂釣遂宴於金華殿五年五月戊

子以金華殿所種麥以示輔臣

祥符宜聖殿

祥符三年閏二月二十七日丁丑詔輔臣至宜聖殿

奉祖宗聖容拜大宗聖容上作賞景觀花五言詩又作千

丹七言詩以賜苑花木皆太宗所植天禧三年四月二日宴宜聖

殿真宗御集有宜聖殿四園歌詩三卷

祥符宣德述古殿先猷繼文殿

祥符五年十二月十四日詔近臣至龍圖閣觀新脩

宣德述古二殿帝作七言詩二殿在龍圖閣西序八年四月丁

卯詔玉清昭應宮太宗御書殿名先猷御製御書殿
 名繼文天禧二年正月壬寅奉安太宗文集于先猷
 翌日奉安御集于繼文政和四年八月改樞密直學
 士為述古殿直學士 地理志龍圖閣下有資政崇
 和宣德述古四殿

祥符南京歸德殿

祥符七年正月二十九日丙辰詔升應天府為南京
藝祖肇基之地即衙城為大內正殿以歸德為名雖降圖營
 建而實未嘗行

祥符承明殿

景祐延和殿

端明殿

殿

延和殿在景福殿南祥符七年建十月戊午賜名承

明章獻垂簾參決朝政于此明道元年十月甲辰改

明良尋改端明景祐元年一云明道二年十二月甲寅改延和殿

西北迎陽門門內後苑有太清樓祥符八年注輦

國來貢見承明殿天禧元年六月辛巳召章頰對承

明殿翌日為監察御史二年二月壬午對右正言劉

曄魯宗道于承明殿凡八刻五年正月癸巳對輔臣

于承明殿己亥宴近臣于承明殿二月丙辰詔近臣

觀羣玉藻珠殿上梁宴承明殿三月庚辰對輔臣于

承明殿丙戌又對天聖九年四月乙巳承明殿閱大

樂明道元年十月甲辰改承明殿為端明二年八月
丁巳置端明殿學士在資政殿學士之下以宋綬為
之詔曰獎擢名儒式資顧問政和四年八月三日改
為延康殿學士中興後舊後唐置端明殿學士
與國中改為文明程慶曆三年三月御延和殿閱武
羽為之位極副之下騎皇祐五年延和殿觀指南車嘉祐三年三月戊寅
延和殿觀習軍陣治平四年十二月延和殿試武藝
元祐三年延和殿觀新樂真宗以盛度兼端明殿
學士召對承明殿西廡問以邊計退而條十事上之
仁宗於延和殿試宗室子弟書令宗正第高下宗望
為第一 **志**崇政殿西南有殿北向曰承明便坐殿

也

見下

祥符延慶殿

祥符流杯殿

祥符九年二月二十七日詔近臣觀翔鸞閣御書移
幸流杯殿泛觴志云建流杯殿於後苑

天禧安福殿

天禧二年十月十一日庚子賜宴安福殿三年三月

十三日曲宴後苑御安福殿後苑有宣明殿安福殿 **志**宮中

有延慶安福集聖清景慶雲玉京等殿清淨堂萬春

天禧清景殿

天禧三年九月二十三日詔宗室輔臣學士以下對
于清景殿出賜太子御製及國史實錄太宗御集四
部書示從臣遂宴于殿內 清景殿書事詩見御製類

天禧羣玉藻珠殿

天章閣天禧五年三月建以奉真宗御集御書閣東
西序羣玉藻珠二殿一云天禧五年二月修天章閣
四月十六日召近臣館閣官
觀御集御書遂宴于羣玉殿又天禧五年二月丙辰
詔近臣觀羣玉藻珠殿上梁二十八日癸酉近臣宴
羣玉殿天聖八年八月六日丁亥天章閣觀御書元

真殿觀瑞穀賜宴藻珠殿嘉祐七年十二月二十三

日觀三聖御書御製詩遂宴羣玉殿二十七日天章

閣觀三朝瑞物復宴羣玉殿治平二年正月甲申邵

亢為翊善嘗召對羣玉殿訪世務三年九月丙辰夜

召學士王珪至藻珠殿賜坐翌日賜盤龍金盆一

天聖清輝殿 元真殿

天聖八年三月十九日後苑賞花釣魚觀唐明皇山

水字石於清輝殿因命從官皆賦歌遂宴太清樓山

字石自永興軍羣至起清輝殿以安之是日從臣應制令中書第所賦

優劣八月丁亥元真殿觀瑞穀嘉祐七年八月甲辰

萬曆

監生胡日東刊

皇子入對于清居殿

明道紫宸殿 崇德殿

舊名崇德殿在宣祐門西明道元年十月甲辰改紫

宸後周顯德六年十二月改萬歲殿為紫宸即視朝之前殿每誕節稱觴

及朔望御此殿東西上閣門司在殿前南廊開寶八年三月契

丹遣使來聘召見崇德殿晉王及百官以契丹通好

詣崇德殿賀太平興國二年對契丹使於崇德殿是

年五月十二月又宴契丹使於崇德殿景德二年十

一月契丹使來賀對于崇德殿大中祥符二年十二

月宴契丹使於崇德殿五年交趾郡王李公緄遣使

殿

來貢對于崇德殿六年西南蕃進都奉部領龍光進

以下來貢方物名馬入見崇德殿七年交趾李公蘊

敗鶴拓鸞遣使貢馬獻捷召見崇德殿十二月高麗

國王詢遣使尹證及女真將軍太千機已下凡七十

八人以方物來貢見于崇德殿慶曆二年契丹使劉

六符來議關南事見于紫宸殿十月見契丹使于紫

宸殿五年二月契丹遣使來獻征西夏所獲見于紫

宸殿十月丁巳宴契丹使于紫宸殿皇祐元年二月

四月至和二年九月十二月嘉祐元年二月並宴契

丹使于紫宸殿開寶四年五月宴近臣于崇德殿

咸平二年八月宴羣臣於崇德殿始作樂景德元年十月二年正月宴羣臣四年三月大宴十月宴羣臣並於崇德殿祥符五年九月七日宴崇德殿西苑門天聖二年八月丙辰朔以初聽樂燕百官于崇德殿明道二年十一月宴近臣于紫宸殿慶曆五年十一月丁亥宴宗室于紫宸殿皇祐五年六月七日御紫宸殿奏大安樂熙寧二年五月六日宴宰臣百官宗室于紫宸殿 雍熙二年十月御崇德殿引問御史臺開封禁囚踈決之謂宰臣曰朕錄囚徒殊不覺勞古人治一郡邑或致飛蝗避境虎渡江况人君能惠養

殿

黎庶伸治寬滯豈不感召和氣乎采琪等對曰陛下勤政治蒼生之幸也 開寶八年平李煜淳化五年平李順至道元年敗契丹二年敗李繼遷咸平二年敗契丹並宰相率百官詣紫宸殿賀淳化中張洎奏今之崇德殿即唐紫宸在周為內朝在漢為宣室在唐為上閣亦曰內衙即隻日常朝之所 乾德四年

二月長春節羣臣上壽于崇德殿太宗興國二年十月乾明節崇德殿上壽天聖元年長寧節崇德殿上壽景祐元年四月乾元節羣臣上壽紫宸殿慶曆

七年八月戊午改文明殿學士為紫宸殿學士用宋也文明真宗謚故八年九月乙巳改紫宸殿學士為

嘉靖 監生余應申川

觀文殿學士

紀乾德二年九月辛丑改廣德殿為

崇德殿

志大安殿北有崇德殿視朝之前殿也

明道垂拱殿 長春殿 勤政殿

紫宸

崇德

殿西垂拱殿門其東北角門通紫宸殿每日

樞密使以下立班殿庭候傳宣不坐即赴垂拱殿起

居垂拱殿舊曰長春明道元年十月改勤政十一月

改垂拱

實錄云明道元年十月甲辰改長春殿曰垂拱殿

即常曰視朝之所

節度使契丹使辭見亦宴此殿

乾德三年九月宴

近臣於長春殿開寶二年宴錢惟濬宴曹彬八年宴

契丹使九年宴錢俶太平興國三年宴錢俶四年正

殿

月乙未宴潘美親授方略六年宴親王宰相雍熙三

年餞曹彬四年餞潘美淳化四年十一月丁卯宴曹

彬至道二年餞李繼隆咸平二年宴傅潛周瑩三年

餞向敏中五年餞王超周瑩景德二年宴契丹使四

年五月戊戌宴吳元袞丙午對占城使皆於長春殿

祥符元年至天禧三年宴長春殿凡十有七慶曆

四年四月契丹使見於垂拱殿皇祐二年宴契丹使

四年宴狄青熙寧二年宴公亮九年宴郭逵元豐五

年以國史成宴七年宴文彥博皆於垂拱殿

明道集英殿

廣政殿

開寶大明殿

嘉靖

三母卷一百一

七

監生余憲申川

淳化含光殿 祥符會慶殿 元和殿

需雲殿

集英殿舊曰元德亦曰廣政晉天福二年改元德為廣政開寶二

年改大明淳化元年二月己酉改含光祥符八年六

月十五日甲子改會慶明道元年十月甲辰改元和

尋改今名春秋誕聖節錫宴此殿熙寧以後親策進

士于此殿殿後有需雲殿舊曰玉華後改瓊英東有

紫雲樓宮中觀宴之所也 太祖大宴廣政殿者七

宴大明殿者九建隆元年長春節上壽廣政殿長春

節宴廣政殿者七宴大明殿者十又廣政殿宴近太

殿

宗大宴大明殿者十三宴含光殿者七乾明節宴大

明殿者十七真宗大宴含光殿者二十七大宴會慶

殿者一又宴大明殿者七承天節宴含光殿者十七仁宗大

宴會慶殿者十七宴集英殿者三十八 乾德四年

冬至御大明殿羣臣上壽始用雅樂天聖五年正月

壬寅朔九年正月丙辰上率百官赴會慶殿上皇太

后壽熙寧三年三月八日上御集英殿試進士 建

隆三年三佛齊遣使來貢對廣政殿祥符二年八月

西南夷來貢令赴含光殿宴 **志**崇德殿西有長春

殿又欠西有滋福又次西有會慶宴殿也

嘉靖

益上余憲申川

明道福寧殿 萬歲殿 寶慈殿 景祐

柔儀殿 崇徽殿

福寧殿在垂拱殿後國初曰萬歲祥符七年十月戊

午改延慶一本作延福明道元年十月甲辰改福寧殿即

正寢後柔儀殿國初但名萬歲後殿章獻后居之名

崇徽明道元年十月甲辰改寶慈景祐二年改柔儀

祥符五年十月二十六日庚申以聖祖降臨宴宗

室于萬歲殿七年九月庚寅詔輔臣宗室觀萬歲殿

上梁天禧二年正月出崇徽殿芝草圖明道二年八

月辛丑以慈孝寺莊獻后神御為彰德殿景靈宮莊

殿

懿后神御為廣孝殿 **志**初延慶殿北有殿無名章

獻太后居之乃曰崇徽

明道肅儀殿

明道二年十一月丁丑以集聖殿為肅儀殿初曰真

中十二月甲寅改正陽門曰宣德門天安殿曰大慶

端明殿曰延和慶曆八年改肅儀殿曰觀文

景祐西涼殿

西涼殿在天章閣東景祐二年三月辛丑重修 真

宗御集有西涼殿水殿歌詩一卷 又有慶雲殿玉

京殿宣明殿

萬曆十

監生翟春和

景祐慈德殿 觀稼殿

景祐元年初名保慶殿章惠太后居之四年改慈德
景祐二年五月癸巳後苑作觀稼殿成志作親稼殿

慶曆嘉德延康殿

寶文閣舊曰壽昌慶曆初改今名閣東西序嘉德延

康二殿前有景輝門殿間以桃花文石為流杯之所 政

和中置延康殿學士

慶曆寶奎殿

見御書類 大相國寺

慶曆仁濟殿

慶曆二年二月庚寅以鍼灸圖石壁堂為仁濟殿

慶曆北京班瑞殿 靖方殿

慶曆二年五月十六日戊午詔升大名府為北京先

朝駐蹕行宮正殿為班瑞殿七月以行宮中門為順

豫三年二月六日甲辰以行宮便殿為靖方殿又有

時巡慶寧殿

慶曆觀文殿 延恩殿 真遊殿

觀文殿文舊曰延恩祥符五年十月二十四日

聖祖降此殿閏十月壬申改真遊又改集聖明道二

年十一月丁丑改為內外命婦客舍名肅儀慶曆八

見觀稼類

皇祐滁州端命殿

并州統平殿

澶州

武信殿

皇祐五年三月仁宗宣諭曰恭惟太祖擒皇甫暉於
滁州是受命之端也太宗平劉繼元於并州是太平
之統也甲子乃詔滁州因舊寺建殿命曰端命命宰
相龐籍奉安太祖御容并州因崇聖寺命殿曰統平
命樞密使王貽永奉安太宗御容太宗御容以四月
二十七日奉安帝
聞之曰太宗以是月日至城下有此符合寺本行宮賜名平晉大中祥符二年改今名又曰恭
惟真宗禦契丹於澶州是偃武之信也宜即澶州舊

殿

寺建殿名曰武信命樞密高若訥奉安真宗御容

一本

云皇祐開滁州通判殿中丞王靖言太祖皇帝擒皇
甫暉于滁州太宗下劉繼元于并州真宗禦契丹于
澶州皆宜立廟以昭遺烈於是就芳林園命工部寫
三聖御容臨赴逐州皇祐五年三月二十四日甲子
太祖御容赴滁州奉安于天慶觀端命殿太宗御容
赴并州奉安于資聖禪院統平殿真宗御容赴澶州
奉安于開福禪院武信殿司馬光云分建原廟圖
績聖容躬題扁榜嚴奉之禮備盡恭勤羽衛供張率
從豐

元祐七年十一月六日滁州脩端命殿

嘉祐疑機殿

嘉祐七年三月乙亥作疑機殿于禁中

欲儲思清間
特起此殿邇

英敷席圖講藝也疑
機被宇資味道也

六年二月辛酉奉安明德章

穆后御容於普安院之重徽殿壬戌酌獻

高

監

監生程應舉刊

太宗立宣明殿真宗立嘉瑞殿仁宗有化成殿神宗立睿思殿又即其右建延春閣哲宗即睿思之後為宣和殿

治平欽明殿 天和殿 清居殿 洪範屏

舊曰天和崇徽殿北有殿曰天和明道元年十月甲辰改觀文

後改曰清居治平三年六月改今名其西睿思殿

治平三年六月二十九日王子改清居殿曰欽明命

直龍圖閣王廣淵書洪範一篇於屏時帝謂廣淵曰

先帝臨御天下四十年天下承平得以無為朕方屬

多事豈敢自逸故改此殿名因訪廣淵先儒論洪範

殿

得失廣淵對以張景所得最深以景論七篇進翌日召對延和殿帝曰景所說過先儒遠矣以三德為御臣之柄尤為善論朕接臣下常謙柔聽納之間則有以剛斷此屏置之坐右豈特無逸之戒也賜廣淵御紙筆墨黃金 天和殿御覽見前 嘉祐七年英宗為皇子八月丙辰見于清居殿治平三年五月王師約召見清居殿諭以無廢學

熙寧端誠殿 熙成殿

見郊祀類 南郊殿宇

熙寧睿思殿 延春閣 宣和殿

萬曆十六年

王海卷百六

監生胡日東刊

熙寧八年造睿思殿在欽明殿西哲宗以睿思

殿先帝所建不敢燕處乃即睿思殿之後為宣和殿

紹聖二年四月二日丁卯宣和殿成徽宗晝日不居

寢殿以睿思為講禮進膳之所就宣和燕息大觀二

年再葺徽宗為記書之石重和元年改元宣和乃更

為保和殿宣和二年改宣和之後殿重和元年所創也政和

五年四月置宣和殿學又元豐二年造承極殿并

亭二小石池一七年童子朱天申對於睿思殿誦十

經通十月十四日賜五經出身

紹聖思文殿

見藉田

政和右文殿

政和五年四月十日詔秘書省殿以右文殿為名改

集賢殿脩撰為右文殿脩撰紹興十四年五月御書

殿榜殿五楹

天興殿 見景靈宮奉聖祖

慶基殿 乾德二年五月建奉先資福院于安陵舊

域奉宣祖昭憲后像設景祐二年二月戊寅御書

宣祖神御殿榜為慶基

開先殿 天聖八年三月建太祖神御殿于太平興

國寺之後十月成壬辰奉安九年二月癸未命晏殊為碑慶曆六年八月重脩乙亥飛白書榜

永隆殿 啓聖院乃太宗毓聖之地至道二年八月

以法堂為殿奉聖容咸平二年九月甲午殿成奉

安天聖八年九月名曰永隆至和二年七月重脩

奉真殿 景靈宮寔舊晉邸真宗誕生之地天聖元

年三月脩奉真殿奉真宗聖像二年三月丁酉奉

安二月庚辰命于欽若為禮儀使

崇真殿 慈孝寺天聖四年閏五月建殿飛白書額

五年十月癸酉奉安真宗御容初二年十二月以吳元宸宅為寺

殿

章獻后殿曰章德

延聖殿 萬壽觀至和二年正月丁卯奉安立宗金

像于殿

永宗殿 嘉祐六年十一月崇先觀成建是殿以奉

真宗御容七年八月奉安

孝嚴殿 治平元年建於景靈宮之西南奉仁宗神

御圖大臣于壁別殿曰寧真十二月召輔臣觀御

篆榜于迎陽門二年四月殿成丙午奉安

英德殿 奉仁英二宗神御治平末建于景靈宮元

豐中詔有司神御在京者寓於佛祠皆遷禁中繇

嘉靖丁巳 監生徐應神刊

英德已上五世合為一宮凡十一殿以世次別
福聖殿明道中奉真宗御容

廣愛殿萬壽觀景祐四年三月乙亥莊惠后真容
殿為廣愛已卯奉安庚辰酌獻

燕寧殿延福宮元豐五年建以奉仁皇慈聖御容

集禧殿昭應宮祥符七年十一月四日宴近臣

明福殿景靈宮齋殿治平元年九月改為迎釐

奉神殿集禧觀皇祐五年六月丙戌新脩殿成名

曰奉神取真宗奉神述也

景寧殿內中神御殿治平三年正月名曰景寧

殿

積慶殿真游殿祥符七年十月戊午名曰

積慶在禁中集慶殿西門曰延真其東有積慶

殿前有感真閣

神藻殿見集禧觀熙寧三年閏十一月二十三日

詔奉真宗御容

紹興復古殿

高宗作復古殿換齋所常御也

紹興慈寧殿

紹興九年正月二十二日脩太后殿十一月八日上

親書慈寧之殿東朝置衛遠存長樂之鴻名十二年

嘉靖丁巳

五月丙午增築 慶元元年正月二十五日御書壽

康宮壽康之殿七字并臣御名恭書四字先是紹熙五年十月三日改泰安日壽康

紹興崇政垂拱殿

紹興十二年十一月庚子十二命內侍王晉錫作崇

政垂拱二殿後諸司屋宇共時言者請復朔日視朝

之禮而行宮止一殿故改作焉以杭州州崇政以故

射殿為之朔望則權置帳門以為文德紫宸殿按射

則以為選德策士則以為集英垂拱以故內諸司地

為之在皇城司北二十八年九月甲子重脩朝射垂

拱三殿成 崇政垂拱二殿其脩廣僅如大廊之設

殿

後世有以持循者且謂邁曰此殿朕即位後所作也

命名之旨雖取選射觀德之義周有射朝唐有觀德殿然退朝

之餘嚴號施令圖事揆策無不在是取尚書通監攷

攷讀之法其興戒其壞口誦心惟未嘗一日去手近

侍外臣晝接夕訪大廷廉陛之儀一切略去紬繹政

理從容問荅頗有漢宣室唐浴殿遺意至於騶虞時

會抗志決拾以弛張文武之道特其一事耳因命邁

為之記二月庚午撰記曰成天下之事莫大於至勤

洞天下之理莫大於至明陛下天縱之聖經之以至

勤緯之以至明公卿已下有外朝之觀延英之對金

華之講而又朝斯夕斯舜好問察言禹之惜寸陰文
 王之中具不皇食皆已匹休伉美然自強不息願陛
 下以今日之心為心云云九百四字記凡五年十一月五日
 選德殿出用人論示宰相俊卿等七年二月七日御
 選德殿宣示立皇太子御札宰臣允文再拜賀淳熙
 四年九月選德殿觀擊毬

淳熙延和殿

淳熙八年秋改後殿擁舍為別殿取舊名謂之延和
 至今因之孝宗作敬天之圖闢延和之殿躬講讀
 之勤設遺補之官淳熙六年六月後殿上梁文云

殿

聽朝決事兼汴都延和崇政之名論道談經殆炎漢
 虎觀金華之比

紹興中禁中營祥曦福寧等殿苑中有澄碧觀堂凌
 虛閣等福寧殿側有清暑樓

澄碧殿

淳熙四年九月丙辰宣召侍讀史浩錫宴澄碧殿抵
 莫送以金蓮燭宿玉堂直廬上命作詩叙此會浩進
 古詩三十韻上御製俯同其韻二年五月辛卯宴
 輔臣澄碧

寶慶慈明殿

萬曆丁亥年

監生程應科刊

恭聖楊太后

紹定緝熙殿

紹定五年十一月二十七日御製敬天命法祖宗事親齊家而下凡四十八條御札十詔講讀說書官撰箴辭明年六月甲午緝熙殿成御書緝熙二字榜之親為記文以所製箴辭親洒宸翰列殿上備覽觀便殿名膺福

歷代殿名

六國

甘泉秦

溫明趙

殿

前漢

昭陽 明光 清涼 宣明 神仙 長年

金華 白虎 麒麟 合歡 曾城 安處

常寧 椒風 披香 蘭林 蕙草 曹參

三雲 雲光 天梁 溫調 昆德 長樂

林光 鳳凰 鷓鴣 鳴鸞 宣室 含德

承明 臨華 猗蘭 蔬圃 飛羽 飛翔

銅柱 延休 靈光 光明 大夏 獲福

長秋 臯門 廣陽 永寧 永壽 朱雀

朱鳥 飛雨 飛雲 鴛鴦 漸臺 永延

鈞臺 蕭何 韓信 椒房 宣德 通光

高明

後漢

崇德 德陽 含德 天德 宣明 溫飾

迎春 壽安 永寧 雲臺 和歡 安福

嘉德 章臺 章德 宣室 建章 甘泉

萬歲 溫德 溫明 玉堂 承福 陽安

宣德 華光 蔬圃 黃龍 文昌 銅馬

敬法 崇光 雲氣

前魏

大昌 溫房 梁室 永亨 安昌 臨國

百子 承光 永始 嘉福 九華 式乾

芙蓉 太極 建始 景福 昭陽 九龍

西晉

含章 崇賢 太極 顯陽 文明 徽音

明光 仁壽 式乾 暉章 建始 言思

百福 章華 嘉福 宣光 修明 嘉樂

芙蓉 章陽 清暑 芳德 靈雲 承光

永寧 景福 延休 九華 百子 虞泉

青冥 安昌 靈圃 陽春 百兒

五

五

五

後魏

光明 宣光 嘉福 建始 九龍 永寧

光極 景陽 清暑 清涼 太華 神德

式乾 顯陽 明光 萬壽 乾安 文昌

天文 天華 崇極 昭陽 永安

崇樂 廣德 太和 安昌 永樂 遊觀

六合 靈泉 乾象 思義 鑒玄 經武

延壽 正武 大武 大德 上善 崇信

麟趾 會義 含仁 雲和 思齊 太極 天德

隋

乾陽 光福 儀鸞 武成 仁風 紫微

文成 武安 大業 永安 徽猷 大儀

桂華 弘徽 流盃 觀文 安福 合歡

翠華 臨華 光璧 香風 凝華 澄華

紫鱗 含涼 仁智 澄光 瑤光 凝芳

巢鸞 成務 大順 文華 景華 和春

顯仁 明德 大寶 仁壽 大興 修文

萬曆十六年

二月

監生 羅春和

舍景 清暑 翔螭殿水 浮景殿水 成象 凝暉

崇德 觀風行 允武 臨汾行 圓基 結綺

飛宇 漏景 臨光 觀德 文思 武德

瑤泉 臨芳

唐

大興 太極 承乾 翠微 含元 紫宸

宣政 麟德 大明 延英 玉華 輝和

交泰 大同 長生 昭慶 章德 承暉

永安 寶慶 昇陽 兩儀 甘露 百福亦見陳後主集

雍和 貞觀 保寧 文思 端宸 神龍

含涼 武德 拾翠 會寧 光泰 麗正

延喜 承香 承慶 立正 安人 淑景

咸池 凝陰 弘文 觀德 景福 蓬萊

珠鏡 還周 承歡 金鸞 長安 仙居

大福 三清 紫蘭 大角 武成 莊敬

徽猷 大儀 流杯 集仙 澄華 安福

仁智 瑤光 儀鸞 同心 明德 崇教

光大 承恩 崇文 觀風 麟趾 含風

安喜 乾元

五代

崇元	玄德	金祥	萬歲	興安	宣威
廣政	明德	滋德	文明	貞觀	乾福
含元	朝元	崇勳	中興	端明	武德
視政	文思	崇德	天清	長春	天福
嘉慶	保昌	絳霄	永福	太極	

三十六國

明光	謙光	温光	微光	宣光	承光
紫光	光世	光極	鷓儀	建始	建德
未央	大武	顯陽	東陽	正陽	暉華
承華	九華	文昌	新昌	延明	甘露

太極	含章	崇賢	顯武	靈臺九	宜陽青
朱陽赤	政德	白	玄武黑		

六朝

昭德	嘉德	文德	武德	温德	壽安
壽光	壽昌	永壽	善壽	乾明	式乾
有覺	真筌	慧輪	平等	无身	靜居
宴居	夕宴	太極	含章	玉燭	璇璣
璇明	曜靈	休章	清曜	青雲	寶雲
臨雲	重雲	延豫	延昌	延務	延賢
求賢	延華	昭陽	明陽	正陽	微音

麗輝陳鎮聲 正福 百福 光政 崇政

聽政 臨政 聽訟 五明 清署 清景

興光 華光 林光 鳳光 重光 元光陳

光嚴 光昭 文思 文熙 温文 龍興

神龍 元龍 赤鳥 朱雀 鴛鴦 臨海

臨芳陳披香 合歡 金華 長日 長春

麗日 太昌 太宰 靈和 至敬 樂受

勝辯 永貞 三善 正麗 蘭林 嘉禾

行軍 文熙陳光壁陳

比齊

